

第三六一册

明倫彙編

氏族典

王姓部

汪姓部

黃姓部

(卷)

三—六

三—三

三—五

古今圖書集成

中華書局影印



古今圖書集成

卷一百一十五

欽定古今圖書集成明倫彙編氏族典

第二百七十一卷目錄

王姓部列傳十九

宋六

王介

王明清

王鑑

王肱

王遂

王用亨

王與之

王伯大

王堃

王萬

王德謙

王翊

王大壽

王震孫

王漢英

王持屋

王侃

王昌世

王文雍

王夢應

王炎午

王孝忠

王仙

王炎

王剛中

王顯世

王休

王宗道

王擒

王霆

王邁

王煥

王胃

王士奇

王必大

王迸

王應麟

王登

王應鳳

王泰來

王惟忠

王柏

王安節

王道夫

王士敏

王泰

王用龍

金

王伯龍

王脩

王競

王直夫

王質

王國綱

王維翰

王廣道

王若虛

王綱

王修

王汝梅

王浩

王毅

王福

王佐

王嘉

王政

王蔚

王元節

王貴

王去非

王庭筠

王去執

王擴

王良臣

王德元

王震

王予可

王晦

王寶

王泉

王爵

王用

氏族典第二百七十一卷

王姓部列傳十九

宋六

王介

按宋史王介傳介字元石婺州金華人從朱熹呂祖謙遊登紹熙元年進士第除國子錄上疏言壽皇親挈神器授之陛下孝敬豈可久闕乎又言婦事舅姑如事父母不可虧宮中之禮不報孝宗崩介又力請上過宮寧宗即位遷太學博士時韓侂胄居中潛弄威福之柄疑介前封事詆己差通判紹興府尋知邵武軍會學禁起姚愈劾介偽學黨主管台州崇道觀以外艱去免喪召為祕書郎侂胄誅除國子祭酒會以不雨詔百官指陳闕失時宰相史彌遠以母喪起復介手疏歷論時政乞令彌遠終喪擇公正無私者置左右遷宗正少卿兼權中書舍人繳駁不避權貴乞補外以右文殿修撰知嘉興府嘉定六年卒諡忠簡子堃

王炎

按尚友錄炎歙人為潭州教授以薦知湖州炎著易解未竟而病篤夜分祝天曰願須臾寬死以成此書病少瘳書成果卒

王明清

按尚友錄明清本汝陰人宋慶元間寓居嘉興官至朝散郎有史才所著有揮塵錄及玉照新志

王剛中

按尚友錄剛中孝宗朝簽書樞密院初剛中在蜀檢身以法示人以禮不立崖壑恩威並行羽檄紛沓從

容裁決皆中機會及去蜀士民懷之

王鎡

按萬姓統譜鎡池州人爲中書舍人兼侍講不仕時旁郡肄業者常數百人所著有紫薇集春秋門例通解咸里元龜易象寶鑑

王顯世

按萬姓統譜顯世字子亦南安人侃之子也遺澤入官爲興化錄參時有從官起家守泉與鄉士爭田守意逢迎囑使庇之顯世曰法與理是據門戶非所卹奪以歸士家一郡稱快受輸斛面卻不取同列爲寄倉終更史以數上顯世不顧改秩知寧都縣卒顯世書無不讀以詩鳴有容安稿十卷

王肱

按萬姓統譜肱字用輔晉江人爲文好譏刺當世是以累舉不第嘗著濟狀一篇言濁河貫清濟濟詰其浼澗時甚奇之又有無題古詩一百三十首辭多悽惋

王休

按萬姓統譜休慈谿人攻戴氏禮慶元二年登鄒應龍榜進士擢湖州教改訓徽州還祕閣授書判樞密院事直躬立朝無所附麗嘉定末與柄臣不合遂謝事歸一日上忽思之遣使驛召時休已卒乃命定海鎮營葬休以文學著稱一時士類宗之若杜州童居易著作劉厚南右曹郎程士龍皆其門人晚歲文思益進金石文多出其手

王遂

按宋史王遂傳遂字去非一字穎叔樞密副使詔之

元孫後爲鎮江府金壇人嘉泰二年進士調富陽主簿歷官差幹辦諸司審計司紹定二年福建寇擾甫定朝廷選賢能吏勞來安集以遂知邵武軍兼福建招捕司參議官遂至郡撫摩創痍窮平兇孽民恃以安未幾言者以遂妄自標致邀譽沽名罷改知安豐軍遷國子監主簿又遷太常寺主簿拜監察御史遷右正言尋拜殿中侍御史遷戶部侍郎以寶章閣待制差知遂寧府進煥章閣待制四川安撫制置副使差知平江府進敷文閣待制知慶元府改知太平府以論罷進顯謨閣待制知泉州改温州寧國府以寶章閣直學士知建寧府以華文閣直學士差知隆興府改知太平州復知隆興召赴闕授權工部尚書遂與同里劉宰素同志宰嘗稱遂爲文雅健無世俗浮靡之氣足以名世

王宗道

按尚友錄宗道字與文奉化人嗜古人之學窮渺討幽時出其奇見人多稱之第嘉定元年進士爲江東提刑司幹官所著有易說指圖十卷三禮說七卷書說六卷觀頤悟言一卷讀書臆說十卷雜錄二卷聞見因筆二卷准鹽論二卷詩文五十卷

王用亨

按萬姓統譜用亨字子安崇德人少孤事母至孝嘉定初舉進士志欲盡讀天下書手抄口誦至忘憂食鄉之登仕籍者多出其門作二記於座右以不欺不貪自警焉

王搢

按萬姓統譜搢字謙父開封人登嘉定進士同年余

天錫參知政事屬教其子弟歲終致束脩以謝堅辭不受曰吾二兒習詞學鄉里無完書願從公求尺牘丐借周益公傳內翰番禺三洪公暨其餘習詞學者凡二十餘家所藏書余欣然許之後二子俱中詞學科爲安吉丞攝令長興遷國子正將作監主簿時丞相史嵩之預政乞補外以避通判婺州遷吏部郎中兼崇政殿說書書預修四朝史爲輿服志六卷後直祕閣知温州

王與之

按萬姓統譜與之字次點樂清人從松溪陳氏學盡傳六典要旨遂著訂議八十卷郡守趙汝騰進之朝云與之踐履無玷守節不踰時首著書具經明行修之士其書精粹可裨聖明之治遂授賓州文學終通判泗州年九十七卒

王寔

按宋史王寔傳寔字定叟東陽人高大父豪帥衆誅方臘以功補官寔少有奇氣嘉定四年中絕倫異等喬行簡考藝別頭喜曰吾爲朝廷得一帥才矣授承節郎從軍于鄂帥鍾與嗣成邊請于樞密院以寔爲隨軍都錢糧官總領基奎委寔專一教閱總效軍尋委帥師守禦黃州沿江制置副使李璘辟置幕下理宗即位特差充浙西副都監鎮江都統趙勝辟爲計議官差知應州召試爲閤門舍人升武功大夫出知濠州尋差知安豐軍臣僚上言王寔在濠人甚安之不宜輕易詔再任濠職事修舉特轉橫班諸使交薦之北兵至浮光其民奔遁朝論以爲寔可守之乃知光州再授閤門舍人尋爲達州刺史右屯衛大將軍

尋遷淮西馬步軍副總管提舉崇禧觀知高郵軍流民弟邦傑聚眾三千人爲盜寔勦其渠魁餘黨悉散時議出師和者甚多寔以爲其若遣間探覘敵情如不得已然後行之諸軍畢行惟高郵遲之由是與時迂而譏者益衆提舉臺觀制置使董槐鄧泳交薦之差知壽昌軍改斬州卒

王伯大

按宋史王伯大傳伯大字幼學福州人嘉定七年進士歷官主管戶部架閣遷國子正知臨江軍端平三年召至闕下進直寶謨閣樞密副都承旨兼左司郎中進對言陛下親政五年于茲盛德大業未能著見而招天下之謗議者籍籍未已陛下試于身而自省又試于宮闈之內而加省又試于朝廷政事之間而三省凡人言之所不貸者一朝赫然而盡去之務使靈根悉拔孽種不留則謗息矣又極言邊事以直寶謨閣知婺州淳祐四年召至闕授權吏部侍郎七年拜端明殿學士八年叅知政事以監察御史陳瑛論罷以資政殿學士知建寧府寶祐元年卒

王邁

按宋史王邁傳邁字貫之興化軍仙遊人嘉定十年進士爲潭州觀察推官召試學士院策以楮幣邁援據古今考究本末又因楮以及時事真德秀病危聞邁所對善之帝再相喬行簡或傳史嵩之復用邁上封事曰天下之相不與天下共謀之是必冥冥之中有爲之地者又言吳知古陳洵益撓政邁由疎遠見帝空臆無隱帝爲改容言者劾邁論邊事過實魏了翁侍經筵爲帝言惜其去改通判漳州禪祀雷雨邁

應詔言天與聖考之怒久矣于是臺官李大同言邁交結德秀了翁以收虛譽創一秩免淳祐改元通判吉州知邵武軍詔以亢旱求言邁驛奏七事而以撤龍翔宮立濟王後爲先時鄭清之再相以左司郎官召力辭卒贈司農少卿

王埜

按宋史王埜傳埜字子文寶章閣待制介之子也以父廢補官登嘉定十二年進士第仕潭時真德秀一見異之延致幕下遂執弟子禮德秀欲授以詞學埜曰所以求學者理義之奧也德秀益器重之紹定初攝邵武縣盜起唐石親勒兵討之後爲樞密院編修襄蜀事急史嵩之首進和議埜言今日之事宜并力攻守上疏言八事嘉熙元年輪對采事係安危者四端復推廣前所言八事以孝宗講軍實激發帝意淳祐初自江西赴闕奏祈天永命十事前後奏陳皆明正剴切鑿鑿可行淳祐末遷沿江制置使寶祐二年拜端明殿學士封吳郡侯與宰相不合言者攻之以前職主管洞霄宮卒

王煥

按宋史王煥傳煥字仲潛一字伯晦紹興新昌人登嘉定十二年進士第知常熟縣紹定四年江淮制置使辟通判泰州五年差知滁州端平元年知瑞州嘉熙元年提轄左藏東西庫二年遷籍田令淳祐二年改監三省樞密院門五年遷太府寺丞祕書丞戶部郎官淮西總領主管右曹六年爲尚書左司員外郎七年遷祕書少監以侍御史周坦言罷爲福建提點刑獄差知温州十年差知寧國府遷太府卿寶祐元

年試司農卿以右文殿修撰提舉太平興國宮五年京湖宣撫大使趙葵辟爲判官開慶元年召授集英殿修撰樞密都承旨景定二年遷禮部尚書知平江府淮浙發運使五年召赴行在進端明殿學士提舉佑神觀咸淳元年二月拜簽書樞密院事閏月同知樞密院事二年拜叅知政事三年知樞密院事乞祠祿乃授資政殿學士知慶元府七年充上蔡書院山主八年加觀文殿學士提舉萬壽宮十年以煥爲左丞相德祐元年乞假以宣撫招討等職乃授觀文殿大學士浙西江東路宣撫招討大使置司在京以備咨訪進少保左丞相特授觀文殿大學士充醴泉觀使煥爲人清修剛勁似道歸天台葬母過新昌煥獨不見之後以元老入相位值國勢艱危之際天下所屬望也而卒與陳宜中不協而去云

王萬

按宋史王萬傳萬字處一家世婺州父遊淮間萬因生長濠州登嘉定十六年進士第端平元年主管尚書吏部架閣文字明年添差通判鎮江府時金初滅鄭清之謀乘虛取河洛萬謂當急爲自治之規已而大元兵壓境三邊震動理宗下罪己詔萬謂兵固失矣言之甚恐亦不可宜以振厲奮發與感人心爲條具沿邊事宜徧告大臣要官後兵興用窘履畝之令行則又言之廟堂其他數陳往往累數萬言其自任之篤如此三年授樞密院編修官嘉熙六年差知台州至郡日惟蔬飯終日坐廳事事至立斷吏無所售改業散去民亦化之不復訟三年遷屯田員外郎四年擢監察御史首論史宅之不當復玷從班史嵩之

入相萬又首論之遷大理少卿詔特轉朝奉郎致仕卒

王胄

按萬姓統譜胄字希武永春人以春秋擢嘉定癸未省試第一教授惠州秩滿入爲太學正轉博士禮閣較藝諫官同典舉欲私所厚以險怪之題冠多士胄識其文曰必其人也典舉色阻易填次列而心銜之揭曉以劾罷通判惠州歲餘卒于官

王德謙

按宋史王德謙傳德謙初爲嘉邸都監頗親幸王卽位德謙累遷昭慶軍承宣使內侍省押班驍忒踰法服食擬乘輿爲人求官職以巨萬韓侂胄與德謙爭用事德謙屢以計勝侂胄擠之詔與外祠臺諫又交章論駁侍御史姚愈率同列力攻德謙詔送廣德軍居住尋以臨安尹劾其賊溫僭擬詔降團練使移居撫州臺諫復言其姦詭德謙遂坐廢斥以死

王士奇

按萬姓統譜士奇字永叔福安人初以鄉薦赴省試開弟達州教授知章計不赴廷對卽往蜀護其喪以歸凡六年而後就試當得官以母老丐祠當國者高其行畀以堂除凡二十三考方任莆田法曹真德秀嘗語當路曰王法曹文行俱美尤孝於親當於古人中求之後以奉議郎賜緋衣致仕優游田里手不釋卷嘗書其門云立行執先須孝悌傳家有後是詩書卒年八十四所著有諸經釋疑諸史節略及宜拙平心集藏於家

王翊

按宋史王翊傳翊字公輔郛縣人寶慶元年進士嘉熙元年制置使丁黼辟爲參議官先遣其家歸鄉里爲文訣先墓誓以身死報國及北兵至帳前提舉官成駒先走黼倉卒迎敵歿死翊與司理王燦運司幹官李日宣等募兵拒守兵入公署見朝朝服危坐問爲何人曰小官食天子之祿臨難不能救死有餘罪可速殺我又問何以不走曰願與此城俱亡北兵相戒勿殺敵縱火大掠翊以朝服赴井死

王必大

按萬姓統譜必大九溪人性至孝紹定初除漳州通判累官至朝請大夫尚懷安懿王女事父母必親視與其兄必學必讓極友愛嘗做范文正公例以郭外田五百餘畝創義莊以資族人冠婚喪葬之費又設義塾延師以訓族里子弟子四慈恭懃慈皆登進士

王大壽

按宋史王大壽傳大壽泉州人爲左翼隊將紹定五年海寇王子清犯圍頭守真德秀遣大壽領卒百人防遏猝與賊遇奮前拏斃賊十餘後無援者遂沒從死者五人

王逆

按宋史郭僕傳王逆字純父饒州樂平人爲固始簿攝邑紹定中金兵犯淮守令望風遁逆度力不能禦懷印自投於井而死

王震孫

按萬姓統譜震孫播州人端平初元兵犯蜀震孫率衆戍蜀口解難息民事聞授從議郎重慶路兵馬鈐轄

王應麟

按宋史王應麟傳應麟字伯厚慶元府人九歲通六經淳祐元年舉進士從王埜受學調西安主簿差監平江百萬東倉調浙西提舉茶鹽主管帳司部使者鄭霖異待之丁父憂服除調揚州教授添差浙西安撫司幹辦公事帝御集英殿策士召應麟覆考第既上帝欲易第七卷實其首應麟讀之乃頓首曰是卷古誼若龜鏡忠肝如鐵石臣敢爲得士賀遂以第七卷爲首選及唱名乃文天祥也遷主管三省樞密院架閣文字遷國子錄進武學博士遷太常寺主簿以言邊事罷未幾起通判台州召爲太常博士擢祕書郎俄兼靖惠王府教授尋星見應詔極論執政侍從臺諫之罪積私財行公田之害又言應天變莫先回人心回人心莫先受直言箝天下之口沮直臣之氣如應天何遷著作佐郎度宗卽位攝禮部郎官兼直學士院馬廷鸞知貢舉詔應麟兼權直俄兼崇政殿說書遷著作郎守軍器少監遷將作監兼侍立修注官升權直學士院遷祕書少監兼侍講遷起居舍人兼權中書舍人以祕閣修撰主管崇禧觀久之起知徽州召爲祕書監權中書舍人兼國史編修實錄檢討兼侍講遷起居郎兼權吏部侍郎卽以母憂去賈似道潰師江上授中書舍人兼直學士院進兼同修國史實錄院同修撰兼侍讀遷禮部侍郎兼中書舍人尋轉尚書兼給事中東歸後二十年卒所著有深寧集玉堂類藁掖垣類藁詩考詩地理考漢藝文志考證通鑑地理考通鑑地理通釋通鑑各問困學紀聞蒙訓集解賡昨篇補注急就篇補注王會篇小學

紺珠玉海詞學指南詞學題苑筆海姓氏急就篇漢制攷六經天文編小學諷詠

王漢英

按萬姓統譜漢英字彥古奉化人受業迂齋樓昉文行不凡時鄭丞相應學士皆樂與之友登淳祐元年進士第魁梧爽朗朝列偉之少聘徐氏女因鼻病腐以貌自誓不嫁父母辭曰公盛年高科不患無良配不敢以辱公漢英曰女有疾非漢英誰適既婚相敬如賓後爲國錄妻沒終身不畜婢

王登

按宋史王登傳登字景宋德安人少讀書喜古兵法慷慨有大志不事生產出制置使孟珙幕府久之權知巴東縣淳祐四年舉進士調興山主簿以母憂去吳淵爲制置使邊事甚亟因憶弟潛盛言王登才略具書幣招之竟立奇功于沮河趙葵爲制置使俾參宣撫司馬光祖爲制置使辟充參謀官遷軍器少監京西提點刑獄登威聲日振有余思忠及徐制幾讒於光祖光祖疑焉出登屯鄂州開慶元年登提兵援蜀約日合戰夜分登經理軍事忽絕倒五藏出血卒

王持屋

按萬姓統譜持屋字載仲樂清人在太學會率六館叩閣論史嵩之士論推重登淳祐第入浙西帥幕從官薦丁大全而持屋謂其內懷奸詐外示狂率使其得志必爲國家憂大全聞之憾焉後以著作兼左曹郎吳潛罷相持屋輪對言於理宗曰宰相進退人才當進賢退不肖不當以用舍快恩仇潛貶爭之力罷歸買似道怨潛甚疑持屋黨潛并惡之由是十五年

間三被擢不越郎曹二典郡皆不終似道敗始除大理少卿未上卒

王應鳳

按萬姓統譜應鳳字仲儀鄞人與兄應麟麗講矻矻忘寢食爲文根柢左氏班馬淳祐十一年應補將仕郎明年登文天祥榜進士監通州狼山稅賣祐間廷對以甲科第九人賜第學益淹貫應開慶元年博學宏詞歷官至主管機宜文字尋除軍器監丞改差淮西制置司參議官未幾文天祥薦其學宜職翰墨除太常博士以終壽四十六所著有默齋稿及訂正三輔黃圖諸書

王侃

按萬姓統譜侃字仲和炳之孫歷肇慶糾曹倅王衣倅商人數百名以爲盜分圖銀之將爲功侃持不可倅適攝郡事督成愈急會移獄廣東帥親識如侃言破械釋之知漳浦縣終更得通判福州卒

王泰來

按萬姓統譜泰來華亭人性剛介不爲柔從早以詩名寶祐開慶間

王昌世

按萬姓統譜昌世字昭輔鄞人尚書應麟之子也以恩補承務郎未及祿而宋社已墟尚書公杜門不出朝夕坐堂上取經史諸書講解論辨昌世甫十歲怡怡聽受無倦殊聞異見靡不究悉尚書公所著述昌世蒐輯考訂贊助爲多著書萬卷燬於火露抄雪纂至忘寢食書已復完尤精於易筮占驗如神性至孝友

王惟忠

按宋史張卽之傳寶祐四年制置使余晦入蜀以諛劾閬州守王惟忠下詔獄鍛鍊誣伏坐棄市惟忠臨刑謂其友陳大方曰吾死當上愬於天七揮刃不殊血逆流卽之雖間居移書言于淮東制置使賈似道恤其遺孤似道入相以爲言景定元年給還首領以禮改葬惟忠字肖尊慶元之鄞人嘉定十三年進士

王文雅

按萬姓統譜文雅寶祐四年五月以通直郎至六年六月準省剗除提領戶部牘實所主管文字重修讎樓置刻漏修頒春手詔興復縣務創兩務官廳重浚縣前河并福山塘砌承流門并慧日寺前街建寶祐新隄修承流門秋報門修明版籍

王柏

按宋史王柏傳柏字會之婺川金華人大父崇政殿說書師愈從楊時受易論語既又從朱熹張栻呂祖謙游父瀚朝奉郎主管建昌軍仙都觀兄弟皆及熹祖謙之門柏少慕諸葛亮爲人自號長嘯年踰三十始知家學之原捐去俗學勇於求道與其友汪開之著論語通旨至居處恭執事敬惕然歎曰長嘯非聖門持敬之道亟更以魯齋從熹門人遊或語以何基嘗從黃幹得熹之傳卽往從之授以立志居敬之旨且作魯齋箴勉之質實堅苦有疑必從基質之於論語大學中庸孟子通鑑綱目標注點校尤爲精密少孤事其伯兄甚恭季弟早喪撫其孤又割田予之收合宗族周恤扶持之開之沒家貧爲之斂且葬焉來學者衆其教必先之以大學蔡抗楊棟相繼守婺趙

景緯守台聘為麗澤上蔡兩書院師鄉之耆德皆執弟子禮理宗崩率諸生製服臨於郡其卒整衣冠端坐揮婦人勿近國子祭酒楊文仲請於朝諡曰文憲

王夢應

按萬姓統譜夢應收縣人咸淳中進士調廬陵尉元兵陷臨安夢應率同邑吳希夷陳子全起兵勤王馳奏疏聞又遣使通桂帥遂復袁州兵敗走已而希夷子全俱死宋亡夢應收合潰卒奔永新依顏明叔閣門疫死

王安節

按宋史陳焞傳王安節節度使堅之子也少從其父守合州有功安節等兄弟五人皆受官堅為買似道所忌出知和州鬱鬱而死安節至咸淳末為東南第七副將德祐初授閩門祇候浙西添差兵馬副都監戰鳳凰港有功轉三官劉師勇復常州攻走王良臣師勇還平江以安節與張詹守常元丞相伯顏攻破南門安節率死士巷戰臂傷被執有求其姓名者安節呼曰我王堅子安節也降之不得乃殺之

王炎午

按萬姓統譜炎午安福人名鼎翁為上舍生會文天祥舉義兵乃杖策謁見尋以母憂家居而天祥被執鼎翁為生祭文以速其死隱居不仕所著有吾文稿

王道夫

按廣東通志道夫番禺人苦志力學登進士咸淳中仕連山尉有保民驅寇功張鎮孫敗後凌震得脫收拾散亡數千倚文天祥諸軍為聲援時道夫家居端宗召權兵部侍郎兼轉運判官道夫與凌震各將兵

相為摘摘景炎二年三月文天祥復惠州道夫帥師遂復廣州詔褒諭之拜兵部侍郎廣東轉運使衛王即位改元祥興加道夫學士兼兵部尚書宋亡道夫不仕元憤恨而卒

王孝忠

按宋史王孝忠傳孝忠為鎮江前軍統制分戍淮陰楊貴叛孝忠率眾迎戰水軍統制朱信降賊孝忠孤軍力不敵死

王士敏

按宋史劉士昭傳士昭太和人與鄉人謀復太和縣敗死其黨人獄多乞憐苟免有王士敏者獨慷慨不撓題其碣此生無復望生還一死都歸談笑間大地盡為腥血汚好收吾骨首陽山臨刑歎曰恨吾病失聲不能大罵耳

王仙

按宋史王仙傳仙蜀都統也守涪州北兵攻圍無虛日勢孤援絕宋亡之二年城始破仙自刎斷其吭不殊以兩手自摘其首墜死

王泰

按浙江通志泰永嘉人幼孤鞠於伯父元兵至執其伯父索貲財不得將殺之泰給之曰釋吾伯父吾指爾瘞物所兵隨泰掘數處無所得乃涕泣告曰家貧無貲願身代伯父死耳兵怒斬之仆地既去伯馳歸視之則頸骨已截獨喉未斷急捧其首合之適有修船油灰取塗其痕越七日始甦創合而首竟偏

王用龍

按江西通志用龍字震叔進賢人宋亡用龍誓不為

異國民為元鎮守兵所復欲自經守者奪其帶家人饋食至碎磁器刷吭而死

王嘉

按尚友錄嘉號重陽子咸陽人母感異夢而姪既長貌雄偉善屬文才思敏捷時歲大饑人至相食嘉家富厚為鄰里劫掠一空有司欲治盜罪嘉曰吾不忍寘之死地人共賢之一日遇呂純陽於醴泉授以修仙口訣嘉乃捐妻子送次女於姻家竟棄家去嘉性不檢束人呼為王害風嘗攜鐵罐乞食經行藍田登州崑崙之間一日作詩別親友奄然而逝年五十八元至元間贈為重陽全真開元真君所著有前後輅光集行於世

金

王伯龍

按金史王伯龍傳伯龍潘州雙城人也遼末聚黨為盜天輔二年率眾來降授世襲猛安三年太祖攻臨潢伯龍與韓慶和以兵護糧餉遇遼兵邀於路伯龍率輓夫擊敗之五年授節度使從宗望討張覺於平州宗望伐宋伯龍為先鋒屠宗經略山東伯龍從攻青州未下城中夜出兵襲伯龍營伯龍不及甲獨挺刃拒營門奮擊殺數十人己而軍士皆甲出殺傷宋兵不可勝計及下青州第功伯龍第一六年還攻莫州降之加太子少保破李固寨眾十餘萬於濮州進攻徐州伯龍復先登充徐宿三三路軍馬都統天眷元年為燕京馬軍都指揮使皇統元年以本部從宗弼南伐攻破濠州為武定軍節度使改寧昌軍天德三年封廣平郡王卒贈定國公

按金史王政傳政辰州熊岳人也其先仕渤海及遼政嘗遼季亂浮沈州里高永昌據遼東欲用之辭謝不就永昌敗渤海人爭縛永昌以爲功政獨遼巡引退吳王閻毋聞而異之言於太祖授瀘州渤海軍謀克從破白霜下燕雲及金兵伐宋滑州降畱政爲安撫使前此數州旣降復殺守將人以爲政憂政從數騎入州發倉廩以賑貧乏於是州民皆悅不復叛傍郡聞之亦多降者天會四年爲燕京都鞠院同監權侍衛親軍都指揮使兼掌軍資是時軍旅始定筦庫紀綱未立吏因緣爲姦政獨明會計嚴厲錫金帛山積而出納無錙銖之失吳王閻毋戲之曰汝爲官久矣而貧何也對曰政以楊震四知自守安得不貧天眷元年遷保靜軍節度使致仕卒政本名南撒里使高麗因改名政子遵仁遵義遵古

按金史王政傳政辰州熊岳人也其先仕渤海及遼政嘗遼季亂浮沈州里高永昌據遼東欲用之辭謝不就永昌敗渤海人爭縛永昌以爲功政獨遼巡引退吳王閻毋聞而異之言於太祖授瀘州渤海軍謀克從破白霜下燕雲及金兵伐宋滑州降畱政爲安撫使前此數州旣降復殺守將人以爲政憂政從數騎入州發倉廩以賑貧乏於是州民皆悅不復叛傍郡聞之亦多降者天會四年爲燕京都鞠院同監權侍衛親軍都指揮使兼掌軍資是時軍旅始定筦庫紀綱未立吏因緣爲姦政獨明會計嚴厲錫金帛山積而出納無錙銖之失吳王閻毋戲之曰汝爲官久矣而貧何也對曰政以楊震四知自守安得不貧天眷元年遷保靜軍節度使致仕卒政本名南撒里使高麗因改名政子遵仁遵義遵古

按金史王脩傳脩字脩然涿州人也登皇統二年進士第由尚書省令史除同知霸州事累遷刑部員外郎二十四年遷遼東路轉運使歲餘改顯德軍節度使章宗卽位擢同知大興府事審錄官奏脩前任顯德潔廉剛直軍吏斂迹無訟獄遷禮部尚書明昌二年改知大興府事時僧徒多遊貴戚門脩惡之乃禁僧午後不得出寺嘗一僧犯禁皇姑大長公主爲請脩曰奉上命卽令出之立召僧杖一百死京師肅然後坐故出人罪削官解職明年特授定海軍節度使

按金史王脩傳脩字脩然涿州人也登皇統二年進士第由尚書省令史除同知霸州事累遷刑部員外郎二十四年遷遼東路轉運使歲餘改顯德軍節度使章宗卽位擢同知大興府事審錄官奏脩前任顯德潔廉剛直軍吏斂迹無訟獄遷禮部尚書明昌二年改知大興府事時僧徒多遊貴戚門脩惡之乃禁僧午後不得出寺嘗一僧犯禁皇姑大長公主爲請脩曰奉上命卽令出之立召僧杖一百死京師肅然後坐故出人罪削官解職明年特授定海軍節度使

士第調良鄉丞治績優等補尚書省令史大定二年
超授河東北路轉運使轉吏部尚書以斷護衛出職
事不當奪官一階頃之出知河中府事遷南京留守
十五年拜參知政事明昌元年拜尚書右丞致仕卒

士第調良鄉丞治績優等補尚書省令史大定二年
超授河東北路轉運使轉吏部尚書以斷護衛出職
事不當奪官一階頃之出知河中府事遷南京留守
十五年拜參知政事明昌元年拜尚書右丞致仕卒

按金史王競傳競字無競彰德人警敏好學以廩補官宋宣和中太學兩試合格調屯留主簿入國朝除大寧令歷河內固安令皇統初參政韓昉薦之召權應奉翰林文字二年試館閣還尚書吏部員外郎天德初轉翰林直學士改禮部侍郎遷翰林侍講學士改太常卿同修國史擢禮部尚書大定二年復爲禮部尚書四年卒官

按金史王競傳競字無競彰德人警敏好學以廩補官宋宣和中太學兩試合格調屯留主簿入國朝除大寧令歷河內固安令皇統初參政韓昉薦之召權應奉翰林文字二年試館閣還尚書吏部員外郎天德初轉翰林直學士改禮部侍郎遷翰林侍講學士改太常卿同修國史擢禮部尚書大定二年復爲禮部尚書四年卒官

按金史王元節傳元節字子元弘州人也祖山甫遼
戶部侍郎父詡海陵朝左司員外郎元節登天德三
年詞賦進士第雅高氣節不能隨時俯仰故仕不顯
及遷密州觀察判官既罷卽逍遙鄉里以詩酒自娛
號曰遯齋年五十餘卒弟元德亦第進士終南京路
提刑使

按金史王元節傳元節字子元弘州人也祖山甫遼
戶部侍郎父詡海陵朝左司員外郎元節登天德三
年詞賦進士第雅高氣節不能隨時俯仰故仕不顯
及遷密州觀察判官既罷卽逍遙鄉里以詩酒自娛
號曰遯齋年五十餘卒弟元德亦第進士終南京路
提刑使

按萊蕪縣志直夫性剛介不媚鬼神正隆元年變怪驟興晝鬼庭見窺戶嘯梁移牀徙釜歌笑馳走舉室怖駭直夫凝然不動呼長幼戒之曰無以異物置疑也家人意稍定一日端坐堂上見巨魅身長七尺高冠大帶深衣朱履拱立於前直夫了不動色魅斂袂言王公眞正人某猶疑色厲內荏故示怪以相撼自

按萊蕪縣志直夫性剛介不媚鬼神正隆元年變怪驟興晝鬼庭見窺戶嘯梁移牀徙釜歌笑馳走舉室怖駭直夫凝然不動呼長幼戒之曰無以異物置疑也家人意稍定一日端坐堂上見巨魅身長七尺高冠大帶深衣朱履拱立於前直夫了不動色魅斂袂言王公眞正人某猶疑色厲內荏故示怪以相撼自

按金史王賁傳賁字文孺其先自臨潢移賁宛平會祖士方正直敢言遂承奉官父中安擢進士第終沂州防禦使賁性孝友勤敏好學第進士由復州軍事判官補尚書省令史擢右三部檢法司正侍御史賈鉉舉賁安靜有守擢河北東西大名府路提刑判官選授尚書省都事以喪去用薦者起復累遷南京路按察使卒

按金史王賁傳賁字文孺其先自臨潢移賁宛平會祖士方正直敢言遂承奉官父中安擢進士第終沂州防禦使賁性孝友勤敏好學第進士由復州軍事判官補尚書省令史擢右三部檢法司正侍御史賈鉉舉賁安靜有守擢河北東西大名府路提刑判官選授尚書省都事以喪去用薦者起復累遷南京路按察使卒

按金史王賁傳賁弟質字敬叔登大定二十五年進士第累官吏部主事以才幹舉遷昭義軍節度副使後以禮部尚書致仕終

按金史王賁傳賁弟質字敬叔登大定二十五年進士第累官吏部主事以才幹舉遷昭義軍節度副使後以禮部尚書致仕終

按金史王去非傳去非字廣道平陰人嘗就舉不得意卽屏去督妻孥耕織以給伏臘家居教授束脩有餘輒分惠人大定二十四年卒年八十四

按金史王去非傳去非字廣道平陰人嘗就舉不得意卽屏去督妻孥耕織以給伏臘家居教授束脩有餘輒分惠人大定二十四年卒年八十四

按金史王元節傳元節孫國綱字正之業儒術尤長
吏事爲人端重樂易大定三年試補尚書吏部掾未
幾轉御史臺令史宣宗聞其材幹與定三年特召爲
近侍奉職承應甚見寵遇出爲同知申州事無何召
爲筆硯直長擢監察御史開興元年關陝完顏總帥
屯河中府與元軍戰敗績哀宗遣國綱詣河中問敗
軍之由還至中途值大兵見殺

按金史王元節傳元節孫國綱字正之業儒術尤長
吏事爲人端重樂易大定三年試補尚書吏部掾未
幾轉御史臺令史宣宗聞其材幹與定三年特召爲
近侍奉職承應甚見寵遇出爲同知申州事無何召
爲筆硯直長擢監察御史開興元年關陝完顏總帥
屯河中府與元軍戰敗績哀宗遣國綱詣河中問敗
軍之由還至中途值大兵見殺

按金史王庭筠傳庭筠字子端河東人登大定十六

按金史王庭筠傳庭筠字子端河東人登大定十六

年進士第調恩州軍事判官臨政有聲再調館陶主簿明昌元年召試館職中選御史臺言庭筠在館陶嘗犯贓罪不當以館閣處之遂罷乃卜居彰德買田隆慮讀書黃華山寺因以自號三年詔爲應奉翰林文字遷翰林修撰承安元年坐趙秉文上書事削一官杖六十解職二年降授鄭州防禦判官四年起爲應奉翰林文字泰和元年復爲翰林修撰明年卒子曼慶能詩并書仕至行省右司郎中自號澹游云

王維翰

按金史王維翰傳維翰字之翰利州龍山人父庭遼季率縣人保縣東山後以衆降維翰好學不倦中大定二十八年進士調貴德州軍事判官察廉還未霸令歷弘政獲嘉令佐胥持國治河決有勞遷一階改北京轉運戶籍判官補尚書省令史除同知保靜軍節度使事改中都轉運副使就除侍御史改左司員外郎轉右司郎中僕散揆伐宋維翰行省左右司郎中泰和八年宋人受盟還爲右司郎中久之遷大理卿大安初轉御史中丞無何遷工部尚書改刑部尚書拜參知政事貞祐初罷爲定海軍節度使至鎮無兵備鄰郡皆望風奔潰維翰謂吏民曰孤城不可守此州阻山浮海富有生地無俱爲魚肉也乃縱百姓避難維翰率吏民願從者奔東北山結營堡自守力窮被執不肯降妻姚氏亦不屈與維翰俱死諡貞潔

王去執

按平陰縣志去執字明道應進士試不合卽拂衣去杜門講究經傳文學與廣道齊名以父母多病遂精醫學金世宗時試醫京師第一入翰林號榆山先生

王廣道

按萬姓統譜廣道平陰人有文學不求仕進鄉里化服號爲純德先生克懷英尤亟稱之從弟求道文學與兄齊名大定間以醫試第一入翰林

王擴

按金史王擴傳擴字充之中山未平人明昌五年進士調鄧州錄事潤邑律令文字遷懷安令除徐州觀察判官被詔賑貸山東西路饑民行章丘道中遇一男子舉止不常捕訊果歷城大盜也衆以爲神再遷監察御史是時凡鬪殺奏決者章宗輒減死由是中外斷獄皆以出罪爲賢擴謂同輩曰生者既識地下之冤云何大安中簽河東北路按察事貞祐二年上書陳河東守禦策遷汴後召爲戶部侍郎太府監奏羊瘦不可供御宣宗召擴詰問擴奏曰官無羊皆取於民今民心未安宜崇節儉廷議肥瘠非所以示聖德也宣宗首肯之元兵至近郊遣擴規辦潼關芻糧高琪奏擴畏避下吏論死宣宗薄其責削兩階與定三年卒諡剛毅

王若虛

按金史王若虛傳若虛字從之棗城人也幼穎悟擢承安二年經義進士調鄆州錄事歷管城門山二縣令皆有惠政用薦入爲國史院編修官遷應奉翰林學士奉使夏國還授同知泗州軍州事留爲著作佐郎正大初章宗宣宗實錄成遷平涼府判官未幾召爲左司諫後轉延州刺史入爲直學士金亡微服北歸鎮陽與渾源劉郁東遊泰山至黃峴峰憩萃美亭顧謂同遊曰得終老此山志願畢矣乃令子忠先歸

遣子恕同行視夷險因垂足坐大石上良久瞑目而逝年七十

王良臣

按山西通志良臣潞人承安中進士詩才敏捷九選於內典入翰林修起居注與定二年爲潞州元帥府參議官元兵徇潞與元帥納合蒲刺都死之贈孟州防禦使

王綱

按山西通志綱趙城人大安間廷試詞賦狀元翰林院修撰

王德元

按萬姓統譜德元邢臺人大安中舉經童第二人既受官徙家於許許人以爲師出其門者數千百人爲人愷悌醇厚與人言必本於忠信許人化之及卒爲立祠於學以祀之

王修

按萬姓統譜修涿州人第進士歷知霸州及大興府修性剛毅臨事果斷吏民憚其威累遷至戶部侍郎大安間大興知府缺金主諭宰臣曰可選極有風力如修者爲之

王震

按金史王震傳震寧海州文登縣人爲進士學母患風疾封股肉雜飲食中疾遂愈母沒哀泣過禮目生醫服除目不療而愈皆以爲孝感所致特賜同進士出身

王汝梅

按金史王汝梅傳汝梅字大用大名人始由律學爲

伊陽簿秩滿遂隱居不仕性嗜書動有禮法後不知所終

王予可

按金史王予可傳予可字南雲河東吉州人父本軍校予可亦嘗隸籍年三十許大病忽發狂久之能把筆作詩文及說世外恍惚事南渡後居上蔡遂平鄆城之間爲人軀幹雄偉貌奇古落魄嗜酒夜宿土室中夏月或尸穢在傍蛆蟲狼籍不恤也壬辰兵亂爲順天將領所得知其名竊議欲挈之北歸館於州之瑞雲觀予可明日見將領自言曰我不能住君家瑞雲觀也不數日卒後復有見於淮上者

王浩

按金史王浩傳浩由吏起身初辟涇陽令廉白爲關輔第一南遷後爲扶溝令開興元年正月民錢大亨等執縣官送款於北大亨以浩有恩於民不忍加刃日遣所知勸之降浩終不聽於是殺之無血主簿劉坦尉宋乙並見害

王晦

按金史王晦傳晦字子明澤州高平人進士調長葛主簿有能聲察廉除遼東路轉運司都勾判官轉北京轉運戶籍判官累除簽陝西西路按察司事改平涼治中召爲少府少監遷戶部郎中貞祐初遷霍王傅守順州遷翰林侍讀學士順州降晦被執不肯降遂就死錄其子汝霖爲筆硯承奉

王毅

按金史王毅傳毅大興人經義進士累官東明令貞祐二年東明圍急毅率民兵拒守城破毅猶抗戰力

窮被執毅不屈而死

王賓

按金史王賓傳賓字德卿亳州人貞祐二年進士爲尚書省令史坐事罷歸天興元年亳州軍變節度使粘哥出走賓約城中軍民復其州哀宗嘉之授賓同知節度使哀宗遷蔡賓奉迎於州北之高安上與語大悅擢爲行部尚書世襲謀克上初至亳賓等適徵民丁負鐵甲入蔡及會計忠孝軍家屬口糧時毫之糧儲不廣賓等常吝惜軍士以此歸怨及運甲之役復不欲行會賓等於樓上銓次立功等第鎮防軍譁謀登樓拽賓往市中害之

王福

按金史王福傳福本河北義軍積戰功累遷同知橫海軍節度使事興定三年福上言滄州東濱海西連真定北備大兵乞選重臣爲經略使得便宜從事以鎮撫軍民宣宗乃以福爲本州經略使四年封爲滄海公紅襖賊李二寇樂陵棣州張聚來攻福皆擊却之宋人與紅襖賊入河北福嬰城固守益都張林棣州張聚日來攻掠滄州危蹙福將南奔爲衆所止遂納款於張林

王泉

按萬姓統譜泉字巨源浚人少慷慨膂力絕人貞祐末河北兵閭民聚黎山自保衆推泉爲柵長後遷奮威將軍權同知滑州軍州事元光秋七月戰於白馬西泉馳槊奮擊臨陣歾殺七百人捷聞詔進昭武大將軍滑州刺史繼授鎮國上將軍滑滑開三州招撫使北兵歲入至相戒曰黑小二戰甚銳其鋒未可輕

犯以桌面鐵色故軍中目之

王佐

按金史王佐傳佐字輔之霍州農家子豁略不事產業輕財好施善騎射興定中聚兵數千人權領霍州事平陽胡天作承制加忠勇校尉趙城丞遷霍邑令同知蒲州軍事遷宣武將軍遙授寶昌軍節度副使元兵取青龍堡佐被獲署霍州守將隸元帥崔環元光二年七月因環出獵殺之率軍民數萬請命加龍虎衛上將軍元帥右監軍救襄垣中流失卒

王爵

按金史王爵傳爵字飛伯大興人儀狀魁奇目光如鵠少居釣臺閉門讀書不接人事天興初元汴京被圍上書言事不報四月圍稍解挺身突出爲兵士所得其將遇之甚厚爵徑行無機防爲其下所忌見殺

王進

按金史王賓傳天興元年亳州軍變楊春以州出降賓與前譙縣尉王進約城中軍民復其州哀宗嘉之授進節度使以賓等吝惜軍士歸怨賓等被害又數日殺進進嘗應荆山之募由間道入汴京納奏賞以物不受又散家所有濟貧民以死自勵至汴以勞遷本州節度判官賜以白金亦不受一時甚稱之

王用

按壽光縣志用其先萊陽海滄人後徙壽光斟灌城用仕金以保障鄉閭官至鎮國上將軍知益都府事兼本路兵馬都總管行元帥府事

欽定古今圖書集成明倫彙編氏族典
第二百七十二卷目錄

王姓部列傳二十

元一

王珣	王珣
王珣	王善
王珍	王懌
王守道	王王汝
王磐	王鶚
王榮祖	王綽
王利用	王文統
王文幹	王恂
王國昌	王閏
王思聰	王庸
王士弘	王克己
王昔刺	王惲
王思廉	王構
王阿刺帖木兒	王通
王積翁	

氏族典第二百七十二卷

王姓部列傳二十

元一

王珣

按元史王珣傳珣字君寶本姓耶律氏金正隆末契丹高幹叛祖成從母氏避難遼西更姓王氏遂爲義州開義人父伯俊伯父伯亨無子以珣爲後珣年三十餘遇道士謂珣曰君之相甚奇他日因一青馬而貴珣未之信居歲餘有客以青馬來鬻珣私喜乃倍價買之後乘以戰進退周旋無不如意又嘗行凌水濱得一古刀其背銘曰舉無不克動必成功常佩之每有警必先鳴故所向皆捷初河朔兵動豪強各擁衆據地珣乃召諸鄉人論以保親族之計衆從之推珣爲長旬月之間至十餘萬木華黎略地奚霄珣率吏民出迎承制以珣爲元帥兼領義川二州事丙子春張致僭號錦州陰結楊伯傑等來掠義州珣出戰伯傑引去時與中亦叛木華黎圍之召珣以全軍來會致窺覷其虛夜襲之家人皆遇害及與中平珣無所歸遣其子榮祖馳奏以兵復開義擒伯傑等殺之進攻錦州致部將高益縛致妻子及其黨千餘人以獻珣誅致家餘皆釋之始還義州入朝帝嘉其功加金紫光祿大夫兵馬都元帥鎮遼東珣貌黑人呼爲哈刺元帥哈刺中國言黑也甲申卒有子四人榮祖襲

王義

按元史王義傳義字宜之眞定寧晉人家世業農金人遷汴河朔盜起縣人謀保家室乃相與推義爲長

攝行縣事木華黎兵至城下義率衆歸焉入覲太祖授寧晉令金將李伯祥據趙州木華黎遣義構其城授趙州太守丁丑大軍南取鉅鹿洛州二城戊寅拔東鹿進攻深州守帥以城降陞深州節度金將武仙以兵四萬來攻東鹿義隨機應拒積三十日不能下糧將盡率精銳銜枚夜出直搗仙營乘暗攻之仙遁還眞定悉獲其軍資器仗投龍虎衛上將軍武安軍節度使辛巳仙復遣其將盧秀李伯祥率兵謀襲趙州義具舟楫於紀家莊邀擊之義士卒皆水鄉人同旋開闢往來如風擒秀伯祥退保瀝城義引兵拔之乃布教令招集散亡勸率種藝深冀之間遂爲樂土云

王玉

按元史王玉傳玉趙州寧晉人長身駢脅金季爲萬戶鎮趙州木華黎下中原玉率衆來附領本部軍從攻邢洛磁三州濟南諸郡號長漢萬戶先是金將武仙既降復叛殺元帥史天倪宋將彭義斌在大名陰與仙合玉攻取武仙擒義斌駐寧晉東里寨仙遣人齎語命誘玉妻妻拒曰妾豈可使夫懷二心於國家耶仙圍之數匝殺其子寧壽玉聞之領數騎突其圍斬獲數百人而還仙遣人追之不敢進皆曰王將軍膽氣驍雄我輩非敵也仙乃盡發玉先世二十七家棄骸滿道玉從史天澤諸將擊仙於趙州仙糧絕脫走眞定遂平加定遠將軍中統元年卒子忱

王善

按元史王善傳善字子善眞定藁城人父增監本縣酒務以孝行稱多智略九精騎射金貞祐播遷羣盜

蜂起衆推善爲長擢本縣主簿戊寅權中山府治中時武仙鎮真定陰蓄異志忌善威名密令知府李濟府判郭安圖之善覺誅濟安遂率衆來歸授同知中山府事是年冬以兵三百攻武仙仙走獲鹿委其佐投琛城守復戰拔之軍勢大振自中山以南降州郡四十二庚辰遷中山真定等路招討使尋加右副元帥驛騎大將軍屯藁城癸未進金吾衛大將軍左副元帥仙窮迫請降善奏仙復于野心終必反覆未幾仙果叛率衆來攻善出戰却之其部曲多來降丙申兼河北西路兵馬副都總管辛丑授知中山府事癸卯卒贈司徒追封冀國公諡武靖

王珍

按元史王珍傳珍字國寶大名南樂人金末喪亂所在盜起行營帥按只署珍軍前都彈壓以爲假子授大名路治中以取寧海州城功遷輔國上將軍從刺不台經略河南破金將武仙於鄭州復與金人戰於蕭縣斬其將珍爲大名路尚書省下都元帥將其軍從軍伐宋破光州襄陽廬壽滁州珍常身先諸將屢有功入見太宗授總帥本路軍馬管民官己酉入朝定宗進本路征行萬戶加金虎符在鎮九年卒子文幹

王機

按元史王機傳機字巨川鳳翔號縣人父寔金武節將軍機弱冠舉進士不第入終南山讀書泰和中詣闕上書論當世急務金主俾給事縉山元帥府用高琪薦特賜進士出身授副統軍守涿鹿臨太祖將兵南下機應戰三日兵敗見執釋之授都統甲戌授宣

撫使從猛安入覲授銀青榮祿大夫兼御史大夫時河間清滄復叛帝命機討之得軍民萬口孛禿惡其反覆欲盡誅之機解之曰驅羣羊使東西者牧人也羊何知哉職其渠魁足矣帝命閭里畢與皇太弟國王分撥諸侯王城邑論閭里畢曰漢人中若王宣撫者可任使之丙戌從征西夏及秦州夏人盡撤橋梁爲備軍阻不得前帝問諸將皆不知計所出徹夜督士卒運木石比曉橋成軍乃得進庚寅從征關中長驅入京兆進克鳳翔壬辰從攻汴京癸巳奉命持國書使宋宋人甚禮重之即遣使以金幣入貢機前後凡五往以和議未決隱憂致疾卒于南

王守道

按元史王守道傳守道字仲履其先真定平山人金亡羣盜並起州縣吏多乘亂食暴不法民往往殺令丞及屬吏宣撫司署守道爲縣尉改真定主簿史天倪爲河北西路兵馬都元帥鎮真定以爲府經歷及金恆山公武仙降署爲史天倪副帥守道謂天倪曰是人位居公下意有不平宜先事爲備未幾果爲所害與屬縣旁近豪傑納天倪之弟天澤爲主帥攻仙以復讎卒逐仙遁去後擢慶元軍節度使天澤爲五路萬戶署守道行軍參謀中統元年天澤入拜左丞相即授真定等路萬戶府參謀至元七年卒諡忠惠

王玉汝

按元史王玉汝傳王玉汝字君璋鄆人少習吏事金末遷民南渡王玉汝奉其親從間道還行臺嚴實入據鄆署王玉汝爲掾史稍遷行臺令史中書令耶律楚材過東平奇之版授東平路奏差官以事至京師遊楚材

門待之若家人父子戊戌以東平地分封諸勳貴玉汝曰若是則嚴公事業存者無幾矣夜靜哭于楚材帳後明日召問其故曰玉汝爲嚴公之使今嚴公之地分裂而不能救止無面目還報將死此荒寒之野是以哭耳楚材惻然良久使詣帝前玉汝曰嚴實以三十萬戶歸朝廷崎嶇兵間三棄家室今裂其土地析其人民非所以旌有功也帝嘉玉汝忠款且以其言爲直由是得不分遷行臺知事辛丑實子忠濟襲職授左右司郎中遂總行臺之政憲宗即位玉汝累官至龍虎衛上將軍泰定軍節度使充行臺參議以病謝事杜門乙卯卒

王磐

按元史王磐傳磐字文炳廣平永年人世業農歲得麥萬石鄉人號萬石王家父禧金末入財佐軍興補進義副尉國兵破永年將屠其城禧復罄家資以助軍費衆賴以脫金人遷汴乃舉家南渡河居汝之魯山磐年方冠從麻九疇學於鄆城擢至大四年經義進士第李壇素重磐以禮延致之磐亦樂青州風土乃買田泚河之上題其居曰鹿庵有終焉之意及壇謀不軌磐覺之脫身至濟南得驛馬馳入京師因侍臣以聞世祖即日召見壇平遂挈妻子至東平召拜翰林直學士出爲真定順德等路宣慰使入謁宰相首言方今害民之吏轉運司爲甚至稅人白骨宜罷去之以蘇民力由是運司遂罷遷太常少卿時方伐宋凡帷幄謀議有所未決即遣使問之磐所敷陳每稱上意帝將用兵日本問以便宣磐入諫曰海道險遠勝之不爲武不勝則損威臣以爲勿伐便帝怒曰

汝豈有他心而然耶磐對曰臣年八十無子他心何為明日帝遣侍臣以溫言慰撫有碧玉寶枕因出賜之磐以年老累乞骸骨詔致仕磐資性剛方閑居不妄言笑每奏對必以正不肯阿意承順帝嘗以古直稱之卒封洛國公諡文忠

王鶚

按元史王鶚傳鶚字百一曹州東明人曾祖成祖立父琛鶚始生有大鳥止于庭鄉先生張大淵曰鶚也是兒其有大名乎因名之幼聰悟長工詞賦金正大元年中進士第一甲第一人出身授應奉翰林文字六年授歸德府判官行亳州城父令七年改同知申州事行蔡州汝陽令丁母憂天興二年金主遷蔡起復授尚書省右司都事陞左右司郎中三年蔡陷將被殺萬戶張柔聞其名救之輦歸館于保州甲辰冬世祖在藩邸訪求遺逸之士遣使聘鶚及即位授翰林學士承旨制誥典章皆所裁定至元五年乞致仕十年卒諡文康鶚性樂易為文章不事雕飾無子以塔周鐸子之綱承其祀之綱官至翰林侍講學士

王榮祖

按元史王珣傳榮祖字敬先珣長子也珣初附於木華黎以榮祖為質稍見任用珣卒襲榮祿大夫崇義軍節度使入朝帝聞其勇邁力士三人迭與之搏皆應手而倒欲留置宿衛會金平章政事葛不哥行省于遼東宣撫使蒲鮮萬奴僭號遂命榮祖還副撒里台進討之拔益州宣城等十餘城方城未下時榮祖遣部卒賈實穴其城城崩被壓衆謂已死弗顧也榮祖曰士忘身死國安忍棄去發石取之猶生一軍感

激樂為効死己丑授北京等路征行萬戶伐高麗圍其王京高麗奉表納貢又從諸王也忽略地三韓降天龍諸堡皆禁暴掠民悅服之帝嘉其功官其子與千戶移鎮高麗平壤榮祖募民屯戍關地千里盡得諸島嶼城壘高麗遣其世子俱出降遂以俱入朝中統元年詔榮祖詣闕帝撫慰之曰卿父子勤勞于國誠節如一進沿邊招討使還鎮以病卒子十三人顯者六人通典中府尹泰權知義錦川等州總管與征東千戶遇襄陽路管軍萬戶達東京五處征行萬戶廷鎮國上將軍中衛親軍都指揮使璉江西湖東道提刑按察使

王綽

按元史王綽傳綽高麗王暉之猶子也以質子入朝歲癸丑高麗權臣高令公叛憲宗命耶虎大王東征綽奉旨為使講和仍鎮守其地時高麗人戶新附者就命綽總之中統三年率兵征濟南李璫至元七年高麗臣林衍叛世祖遣頭疊哥討之綽簽領部民同行以疾還家居二十年卒子三人

王利用

按元史王利用傳利用字國寶通州路縣人遼太原郡公籍之七世孫高祖以下皆仕金利用初事世祖於潛邸中統初歷太府內藏官遷北京與魯同知歷安肅汝蠡趙四州入拜監察御史薊州有禁地民不得射獵其中邏者誣州民冒禁籍其家利用糾之邏者訴于上辨愈力得以所沒入悉歸之民擢翰林待制陞直學士與耶律鑄同修實錄出為四川提刑按察使大德二年改安西與元兩路總管未幾致仕居

漢中成宗朝起為太子賓客首以切干時政者疏上十七事帝及太子嘉納之皇后聞之命錄別本以進卒贈榮祿大夫柱國中書平章政事封洛國公諡文貞

王文統

按元史王文統傳文統字以道益都人也少時讀權謀書好以言撼人遍干諸侯無所遇乃往見李璫璫與語大喜即留置幕府世祖在潛藩訪問才智之士素聞其名及即位有以文統為薦者亟召用之首擢為平章政事委以更張庶務中統二年監修金史明年李璫反人多言文統嘗遣子堯與璫通音耗世祖召文統問之文統對曰臣亦忘之容臣悉書以上書畢世祖命讀之其間有曰螻蟻之命苟能存全保為陛下取江南世祖曰汝今日猶欲緩頰于朕耶會璫遣人持文統三書自洛水至以書示之文統始錯愕駭汗猶枝辭傍說終不自言臣罪當死乃命左右斥去始出就縛乃伏誅子堯并就戮

王文幹

按元史王珍傳珍子文幹為行軍萬戶已未從世祖攻鄂州先登李璫叛從哈必赤討平之哈必赤論功語以官賞文幹對曰增秩則榮及一身賜金則恩逮麾下迺以白金二千兩器血百事雜緣數百緡賞之文幹悉頒之軍中累遷河東山西道提刑按察副使近臣言其鄂州之功陞簽東川行樞密院事改江東建康道提刑按察使卒于官發其篋中錢僅七緡貧不能歸葬人以此稱之

王恂

按元史王恂傳恂字敬甫中山唐縣人父良金末爲中山府掾恂性穎悟歲已酉太保劉秉忠北上途經中山見而奇之癸丑秉忠薦之世祖召輔導裕宗爲太子伴讀中統二年擢太子贊善三年裕宗封燕王守中書令兼判樞密院事領國子祭酒十八年居父喪哀毀日飲勺水帝遣內侍慰諭之未幾卒諡文肅子寬竝從許衡游得星曆之傳寬由保章正歷兵部郎中知蠶州寶由保章副累遷祕書監

王國昌

按元史王國昌傳國昌膠州高密人初爲膠州千戶中統元年入覲世祖察其能遷左武衛親軍千戶至元五年人有上書言高麗境內黑山海道至宋境爲近帝命國昌往視之還帝延見慰勞八年遣使入日本命國昌屯于高麗之義安郡以爲援卒于軍子通嗣

王閏

按元史王閏傳閏東平須城人父素多貲既老盡廢之不甘淡薄每食必需魚肉閏朝夕勤苦入市營奉無闕父嘗臥疾夜燃長明燈室中火延籬壁間閏聞火聲驚起馳救火已熾烟燄蔽寢戶閏突入火中解衣蒙父抱而出肌體灼爛而父無少傷一女不能救遂焚死中統二年復其役

王思聰

按元史王思聰傳思聰延安塞人素力田農隙則教諸生得束脩以養親母喪盡哀父繼娶楊氏事之如所生父嘗病劇思聰拜祈于天額膝皆成瘡得神泉飲之愈後復失明思聰舐之即能視縣上狀命表異之

王庸

按元史王庸傳庸字伯常雄州歸信人事母李氏以孝聞母有疾庸夜禱北辰至叩頭出血母疾遂愈及母卒哀毀幾絕露處墓前旦夕悲號一夕雷雨暴至鄰人持寢席往欲蔽之見庸所坐臥之地獨不濡濕咸嘆異而去

王士弘

按元史王士弘傳士弘延安中部人父搏有疾士弘傾家貲求醫禱諸神叩額成瘡父沒哀毀盡禮廬墓三年終喪復建祠於塋前朔望必往奠祭雖風雨不廢也有司上其事於朝旌表之

王克己

按元史王克己傳克己延安中部人父伯通沒克己負土築墳廬於墓側猶高縱兵暴掠縣民皆逃克己獨守墓不去兵至見其身衣衰絰形容憔悴曰此孝子也遂不忍害竟終喪而歸

王昔刺

按元史王昔刺傳昔刺保定人初事世祖賜名昔刺拔都從攻釣魚山及阿里不哥累功授武衛親軍千戶中統三年從征李璫於濟南屢捷至元六年陞海州萬戶十年授東川行樞密院同僉十六年徙鎮萬州卒於軍子宏寧

王惲

按元史王惲傳惲字仲謀衛州汲縣人曾祖經祖字仕金官敦武校尉父天鐸金正大初以律學中首選仕至戶部主事惲有才幹史天澤將兵攻宋接以資

禮時省部初建令諸路各上儒吏之能理財者一人惲以選至京師上書論時政擢爲中書省詳定官二年春轉翰林修撰同知制誥至元五年建御史臺首拜監察御史論列凡百五十餘章九年授平陽路總管府判官十四年除翰林待制拜朝列大夫河南北道提刑按察副使裕宗在東宮惲進承華事略二十篇十九年改山東東西道提刑按察副使二十六年授少中大夫福建閩海道提刑按察使二十八年召至京師見帝于柳林行宮遂上萬言書極陳時政成宗即位獻守成事鑑一十五篇所論悉本諸經旨元貞元年加通議大夫知制誥大德八年卒贈翰林學士承旨追封太原郡公諡文定

王思廉

按元史王思廉傳思廉字仲常真定獲鹿人張德耀宣撫河東辟掌書記謝歸至元十年董文忠薦之世祖召見授符寶局掌書十三年姚樞舉爲昭文館待制遷奉訓大夫符寶局直長十四年改翰林待制十八年進中順大夫典瑞少監二十年陞太監二十三年改嘉議大夫同知大都留守二十九年遷正議大夫樞密院判官大德元年成宗即位遷中奉大夫翰林學士以病歸三年起爲工部尚書拜征東行省參知政事七年總管大名路八年召爲集賢學士十一年授正奉大夫太子賓客仁宗即位以翰林學士承旨資善大夫致仕延祐七年卒諡文恭

王構

按元史王構傳構字肯堂東平人父公淵遭金末之亂死守墳墓諸兄呼之不出構少穎悟風度凝厚學

問該博文章典雅弱冠以詞賦中選爲東平行臺掌書記至元十一年授翰林國史院編修官十三年遷應奉翰林文字陞修撰丞相和禮霍孫拜司徒辟構爲司直歷吏部禮部郎中審囚河南多所平反改太常少卿擢淮東提刑按察副使尋以治書侍御史檢覈燕南錢穀明年春還成宗立爲學士纂修實錄書成參議中書省事以疾歸東平久之起爲濟南路總管武宗卽位以纂修國史召赴闕拜翰林學士承旨未幾以疾卒構歷事三朝練習臺閣典故凡祖宗諡冊冊文皆所撰定子士熙仕至中書參政卒官南臺御史中丞士點淮西廉訪司僉事皆能以文學世其家

王阿剌帖木兒

按元史王綽傳綽卒子阿剌帖木兒襲職至元十一年進昭勇大將軍從都元帥忽都征日本國有戰功十五年加鎮國上將軍安撫使尋陞東征左副都元帥十八年復征日本遇風濤沒于軍

王通

按元史王國昌傳國昌子通初襲爵爲左衛親軍千戶十二年從諸軍伐宋十四年改侍衛親軍千戶明年通上書言今南方已定而北陲未安請屯田于和林率所部自効帝慰勞遣之從破敵兵于金山進顯武將軍武宗卽位命總京城衛兵樞密院攝左丞領諸衛屯田兵鎮海口以疾卒子燕出不花襲

王積翁

按元史王都中傳都中父積翁仕宋爲寶章閣學士福建制置使至元十三年宋主納土乃以全閩八郡

圖籍來入觀世祖授中奉大夫刑部尚書福建道宣慰使尋除叅知政事行省江西俄以爲國信使宣諭日本至其境遇害

欽定古今圖書集成明倫彙編氏族典
第二百七十三卷目錄

王姓部列傳二十一

元二

王約

王著

王慶端

王慶淵

王壽

王倚

王兀愛

王伯勝

王佐

王宣

王紹

王都中

王宏

王寧

王忱

王初應

王薦

王得貞

王結

王克敬

王燕出不花

王毅

王思誠

王繼遠

王英

王時

王守誠

王士元

王文華

王良

王餘慶

王貴翁

王幼學

王澄

王伯顏

王相

王仲文

王孚遠

王遜志

王翰

王昱

氏族典第二百七十三卷

王姓部列傳二十一

元二

王約

按元史王約傳約字彥博其先汴人祖通北徙真定約性穎悟博覽經史工文辭務達國體時好不以動其心至元十三年翰林學士王磐薦爲從事承旨火魯火孫奏授從仕郎翰林國史院編修官除禮部主事二十四年拜監察御史出賑河間饑民均數有方全活甚衆三十一年遷中書右司員外郎成宗即位調兵部郎中改禮部郎中拜翰林直學士知制誥同修國史奉詔賑京畿東道饑民還報稱旨除太常少卿特拜刑部尚書改禮部尚書仁宗在東宮雅知約名思用以自輔擢太子詹事丞進太子副詹事仁宗即位特拜河南行省右丞皇慶改元召拜集賢大學士延祐二年帖木迭兒專政奏遣大臣分道奉使宣撫命約巡行燕南山東道使還拜樞密副使至治元年英宗即位帖木迭兒復相約辭職不出二年以年七十致仕三年丞相拜住一新政務尊禮老臣傳詔起約復拜集賢大學士商議中書省事至順四年卒子思誠祕書監著作郎

王著

按元史王思廉傳至元十九年帝幸白海千戶王著矯殺奸臣阿合馬於大都

王慶端

按元史王善傳善子慶端字正甫初爲郡筦庫進水軍提領訓練士卒常如臨敵從世祖北征還遷右親

軍副都指揮使至元十九年改詹事丞帝嘗遣近侍夜出伺察爲邏卒所執近侍以實告卒曰軍中惟知將軍令不知其他近侍以聞帝賞以里貺裘及親征乃顏命慶端以所部從時年六十餘與士卒同甘苦成宗即位論翼戴功拜金吾衛上將軍大德二年加榮祿大夫平章政事僉書樞密院事以疾卒

王慶淵

按元史王善傳善子慶淵爲行軍千戶征淮南死

王壽

按元史王壽傳壽字仁卿涿郡新城人幼穎敏嗜學長以通國字爲中書掾既而用朝臣薦入侍裕宗至元十九年授兵部員外郎二十二年陞吏部郎中以瑨康里不忽木柄用當道即自免去明年授大司農丞不赴元貞二年出爲燕南河北道廉訪副使大德二年不忽木爲中執法復棄官歸三年授集賢直學士就陞侍讀學士俄擢御史臺侍御史論事剴切六年二月召壽奉香江南徧祠嶽鎮海濱九年叅議中書省事十年改吏部尚書十一年武宗即位首拜御史中丞未幾更拜左丞俄復拜御史中丞至大三年夏遷太子賓客集賢大學士秋九月卒諡文正

王倚

按元史王倚傳倚字輔臣其先東萊人也父末福金末避地徙燕爲宛平著姓富雄閭里倚爲人孝友樂易重然諾與人交不苟合讀書務躬行不專事章句世祖選良家子入侍東宮時倚年弱冠在衆中儀觀獨偉太保劉秉忠即以充選倚服勤守恪遂見信任至元二十一年詔立東宮官屬以倚爲家丞後以疾